






1/2 392
867.12
= 3




15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44









錢志新編卷六

雲間張崇懿麗瀛校輯


北魏

太祖道武帝姓拓跋名珪其先黃帝之後昌意少子受
封北國有大鮮卑山因以為號曰鮮卑索頭部傳至
毛始大十三世生詰汾畋遇天女與之相偶期而復
遇抱一子授之曰此君子善視之子孫相承當世為
帝王子即力微也力微之後曰猗廬者晉初封代公
愍帝時進為王九傳至拓跋珪自立為代王其俗謂

金三子系
土為拓后為跋因以為氏晉隆安二年僭稱帝據平
城國號魏能恢拓中原留心經術制度規模曁絕一
時但荒於色慾為子所弑傳明元帝太武帝文成帝
獻文帝孝文帝宣武帝孝明帝臨洮世子孝莊帝節
閔帝廢帝孝武帝自此魏分東西東魏孝靜帝高洋
篡之孝武奔長安為西魏傳文帝廢帝恭帝宇文覺
篡之凡一十七主計一百七十二年起戊戌終丁丑
孝文帝名宏在位三十壽三十四改元凡三延興六承
明一太和二十三遷都洛陽改姓元氏儉約寬慈制

作明備江左五朝莫及尤好讀書五經百家無不淹
貫文章詩賦有時馬上口授及成不改一字


太和五銖魏書食貨志曰太和十九年鑄太和五銖
錢洪志曰此錢徑八分重五銖銅質粗惡



宣武帝名恪在位十六年壽三十二改元凡四景明四
正始四永平四延昌四按恪弱冠踐祚不親庶務寵
倖茹皓及外戚高肇等用事且好浮屠造佛寺至一



萬三千之多以致魏業浸衰



五銖魏書食貨志曰世宗永平三年鑄五銖錢其錢較漢五銖略小闊邊五字交股作直筆與永安五銖之五字同後隋文帝白蠟五銖錢亦遵此制



孝莊帝名子攸在位四年改元二建義一永平三按子攸之世魏政已敝雖號英敏能謀手刃將軍爾朱榮然卒為榮之子兆反賊所執尋弒於佛寺

永安五銖魏書食貨志曰永安二年秋詔鑄永安五銖錢至三年正月止此錢遷鄴之後輕濫尤多武定初齊文襄奏革其弊詔遣使諸州鎮收銅及錢悉更改鑄其文仍舊洪志曰此錢當係東魏董道謂之北齊非也或云東西魏皆鑄永安錢故存近世極多其品有三一光幕一背文四出一幕有土字者高澄所鑄百鑪號令百鑪錢舊譜曰徑九分重如其文






北齊

文宣帝高洋者景州蓨人父歡仕東魏至太丞相封渤海王至洋篡魏稱帝凡十年改元天保初決斷英敏獨出懷抱征伐四克威鎮戎夏嗣以勳業自矜酒色淫暴袒身露體塗粉黛宿街巷從者不堪而居之自若高氏婦女無親疎皆使左右為亂於前無媿也傳廢帝孝昭帝武成帝後主幼主凡六主共二十八年起庚午終丁酉周武帝滅之

常平五銖北齊書曰天保四年春正月鑄新錢文曰

常平五銖隋書食貨志曰文宣鑄常平五銖重如其文其錢甚貴製造甚精舊譜曰徑八分李孝美曰徑寸又有一品大常平背有七星及日月形




北周

孝閔帝宇文覺者代郡人本出匈奴別種其始祖葛烏鬼有孫曰普回得黃帝玉璽北俗謂天子為宇文因以為氏十三世生泰仕魏有功封周王子覺嗣位遂移魏祚傳明帝武帝滅北齊再傳宣帝靜帝凡五主共二十四年起丁丑終庚子隋文帝篡之

武帝邕小字彌羅突在位十八年壽三十六改元凡四保定五天和六建德六宣政一按邕能夷平內難以報兄仇尊儒術斤釋道崇節儉省妃嬪任用賢才愛


恤士庶用法以斷數年間平齊除暴功亦烈哉其布
德立行皆能度越前人真英武之君也第傳子不肖
旋以亡國甚可慨也

布泉周書武帝紀曰保定元年秋七月更鑄錢文曰
布泉以一當五與五銖並行建德五年春廢舊譜曰
徑一寸乃玉筋篆非男錢之布泉也



五行大布周書曰建德三年六月更鑄五行大布錢

以一當十與布泉並行四年秋七月禁不得出入關
布泉聽入而不出舊譜曰徑一寸一分張台曰此錢
有小者徑止六分其文上五下行左大右布又有大
布二字翻在上下者又一品背有龜蛇星劍者





宣帝贊者武帝之子在位一年改元大成又改大象壽
二十三為世子時已多失德及嗣位荒淫殘暴逞志
自雄自比上帝不喜人有高大之稱立五后自稱天

元皇帝旋自為太上皇傳位於子闡是為靜帝方七
 歲凡二年改元大定贊未幾卒皇太后父楊堅纂之
 北周亡

永通萬國周書宣帝紀曰大象元年十一月丁巳初
 鑄永通萬國錢以一當十與五行大布並行舊譜曰
 徑寸三分重十二銖輪郭與布泉相似其小者徑七
 分有輪郭闊厚及對文者張台曰徑寸二分重八銖
 李孝美曰此錢尚有一品徑寸五分重十八銖背面
 皆有此四字者銅色青白制作尤極精工但流傳於

世甚少故未易觀耳又有一品背文有龜蛇星劍者
 亦不能多得






成

李雄者巴西氏人其先廩君之苗裔成都王李特之子
據成都稱帝按秦始皇時有長人長五丈見於宕渠
秦史胡毋敬曰五百年後其地必有異人為大人者
雄之稱尊號其先出自宕渠識者皆以為長人之應
雄偽諡太宗傳廢主班幽帝期中宗壽改國號為漢
改元漢興凡六年再傳末主勢桓溫滅之凡五主共
四十四年起晉惠帝永興元年甲子終穆帝永和三
年丁未

漢興錢顧烜曰徑五分重一銖半文曰漢興小篆文此錢今尚有之舊譜以為西漢時所鑄非是




後趙

石勒者武鄉羯人據襄國按勒年十四隨人行販至洛陽王衍見而異之恐其為天下患遣人收之則勒已亡去得免按勒雖不學而雅好文史嘗令儒生讀史傳聽之每以己意論古帝王成敗之故往往暗合其英達如此偽論曰高祖傳少帝宏太祖虎廢主世石遵石鑿石祗凡七主共三十三年冉閔滅之起晉元帝大興二年己卯終穆帝永和七年辛亥

豐貨晉書石勒傳曰勒鑄有豐貨錢舊譜曰徑一寸



重四銖世謂之富錢言收此錢能令人豐富也洪氏曰徑九分重三銖輪郭深好



北燕

馮宏者兄跋為後燕將軍得罪於燕主熙亡命山澤潛入城作亂推熙養子高雲為主執熙殺之後雲為其臣離班桃仁所殺跋遂斬桃仁而自立跋卒弟宏殺子翼而篡之建元太興魏伐之奔高麗後復為其下所殺自跋至宏共計二十八年起晉安帝義熙五年己酉終宋文帝元嘉十三年丙子

太興錢董道曰太興平寶錢張台云馮宏鑄李孝美曰徑八分重四銖背有一丁者世誤為遼聖宗錢



錢志新編卷七

雲間張崇懿麗瀛校輯




隋 隋本作隨帝以屢經兵戈擾攘因去走作隋


高祖姓楊氏名堅小字那羅延宏農華陰人漢太尉震之後九世孫元壽仕北魏為武川鎮司馬子孫因家焉元壽元孫忠仕魏及周封隨國公子堅襲父職遂篡周滅陳撫有華夏在位二十四年改元二開皇二十仁壽四壽六十四按帝勵精圖治薄賦輕徭愛養百姓自奉儉素天下化之第舞智嚴刑盜一瓜一錢

者立斬且惑於后廢男立廣追廣惡昭著始抵床而
 恚晚矣卒為廣所弑傳煬帝為宇文化及所弑恭帝
 降於唐封鄴國公又越王立未幾為王世充所弑隋
 亡凡四主計共三十七年起辛丑終丁丑
 白鑞五銖隋書曰開皇元年九月初行五銖錢食貨
 志曰以錢貨輕重不等乃更鑄新錢背面皆有周郭
 文曰五銖重如其文每千重四兩又漢王諒於
 并州立五鑪晉王廣於鄂州置十鑪蜀王秀於益州
 立五鑪均鑄此錢大業以後遂多私鑄每千漸至重

一觔更或剪鑲鏤裁皮糊紙以為錢舊譜曰重一銖
 六黍肉郭平闊右邊傍似有一畫其三面無郭用鑞
 和鑄故錢色白俗謂之白鑞音臘即今錢
 點銅錫

雞眼五銖按稗史彙編曰隋文帝鑄小五銖八九萬
 方滿斛又陳文帝及北魏梁末均有此錢眼一作目






唐

高祖姓李氏名淵字叔德隴西成紀人裔出漢李陵後
 西涼武昭王暠七世孫暠曾孫熙家於武川生子虎
 仕西魏為柱國賜姓大野氏始居長安周追封唐國
 公虎子昞即帝父也為隋文帝相復姓李氏帝以太
 原留守受隋禪舉晉陽精兵掃除羣亂席捲長驅滅
 夏楚燕梁秦鄭皆太宗之功也在位九年壽七十三
 改元武德傳太宗高宗中宗武后睿宗元宗肅宗代
 宗德宗順宗憲宗穆宗敬宗文宗武宗宣宗懿宗僖



宗昭宗昭宣帝凡二十一主統計二百七十九年起
戊寅終丙寅朱溫篡之

開元通寶錢舊唐書曰開元錢之文歐陽詢書其字
八分及隸體俗謂之開通元寶食貨志曰武德四年
鑄開元通寶錢徑八分重三銖四釐積十錢重一兩
鄭度曰初進蠟模文德皇后搯一甲跡故錢背有搯
文洪志曰此錢終唐之世相繼冶鑄故獨多又有光

幕









高宗名治小字雉奴在位三十四年壽五十六改元凡
十四永徽六顯慶五龍朔三麟德乾封總章各二咸
亨四上元二儀鳳三調露永隆開耀永淳弘道各一
起庚戌終癸未帝初即位遂良無忌同心輔政有貞
觀遺風及納武氏穢亂宮掖唐祚幾覆
乾封錢新唐書食貨志曰乾封元年改鑄乾封泉寶
錢徑一寸重二銖六分以一當十踰年而舊錢多廢
米帛涌貴復行開元錢其乾封錢詔令所司貶納更
不須鑄余又有顯慶重寶一枚大小似折二



肅宗名亨元宗子在位七年壽五十二改元凡四至德
 乾元上元各二寶應一起丙申終壬寅按帝任子儀
 光弼等收復兩京重興社稷旋以愛張良娣寵李輔
 國殺太子遷上皇又不用李泌以至楚州河東朔方
 之軍亂於外張后越王兗王之殺亂於內上不保其
 父中不保其身下不保其妻子為後世所笑
 乾元錢唐書食貨志曰乾元元年經費不給鑄乾元

重寶錢以一當十肅宗實錄曰乾元元年九月鑄乾
 元錢舊譜曰徑寸二分重五銖食貨志又曰第五琦
 為相命絳州諸爐鑄重輪乾元錢以一當五十後減
 當三十金光襲曰背之外郭重輪有二品又乾元二
 年鑄乾元小錢以當一






代宗名豫初名倓肅宗之子在位十七年壽五十二改元凡三廣德二永泰一大曆十四起癸卯終己未按帝初能尚賢任武僂力功成後信用宦官典禁兵勢傾朝野匿鄴侯於江西置汾陽於閒散致懷恩忿怨


作寇太原逐節度者命留後擅殺兵馬者與刺史紀綱大壞終唐之世不復能振焉

大曆錢代宗實錄曰大曆四年正月乃開內道鑄錢等使宰相第五琦請於汾陽銅源兩監各增置五鑪許之洪氏泉志曰此錢重二銖六參徑九分銅色昏濁而字畫通勁




德宗名适代宗之子在位二十五年壽六十四改元凡

三建中四興元一貞元二十一起庚申終甲申按帝
 初能親勤政事罷四方貢獻振肅紀綱不旋踵信任
 奸邪括商錢稅閭架措克聚斂民不聊生朱泚李懷
 光等相繼作亂幸罪已詔下收拾人心令公李晟復
 京城重安社稷云
 建中錢唐書食貨志曰建中初戶部侍郎韓洄請復
 洛源廢監起十爐鑄錢十萬二千緡從之張台曰其
 錢小於開元文曰建中通寶銅色純赤字文漫暗而
 肉郭則甚好民間往往有之




開元大錢食貨志曰判度支趙贊採連州白銅鑄大
 錢以一當十以權輕重洪志曰此錢徑寸三分重十
 二銖銅質渾厚字文明垣曰開元通寶



穆宗名恒憲宗之子在位四年壽三十改元長慶起辛

丑終甲辰按帝能誅李直臣用李聽復韓愈官免欠錢可謂明矣然殫聲色樂遊畋縱藩臣殺節度幽州成德相繼告亂由是再失河朔不能復取焉


長慶錢按通鑑長慶元年九月戶部尚書楊於陵請廣鑄錢而禁滯積及出塞則錢日滋從之



敬宗名湛穆宗之子在位二年年十八改元寶曆起乙巳終丙午按帝能知裴度之賢雖誣謗盈耳不為動

搖仍用為相且能厚待李德裕韋處厚李絳等然不能法八關十六子之附權亂政更嬉遊濫賞性復褊急因球場夜獵宦官蘇佐明滅燭弒之兩日之內三易其主

寶曆錢按此錢制作與開元乾元等錢同前譜未載




武宗名炎文宗之子在位六年壽三十三改元會昌起辛酉終丙寅按帝能相德裕而澤潞平藩鎮幾清不


敢有異志不特駕馭藩臣亦且善制奄寺更能力除
浮屠盡髮天下僧未幾惑於黃老仍歸異端服金丹
至疾發猶

開元錢食貨志曰武宗廢天下佛寺以銅鐘佛像鑄
錢文仍開元幕上皆鑄州郡名有襄興洛益昌藍荆
潤潭梓桂越京等字不能悉舉錢制不甚工

懿宗名温更名漼宣宗之子在位十四年壽三十一改






元咸通起庚辰終癸巳按帝信任奸邪踈遠忠直尊
敬釋教親自唱經其愛女同昌公主適韋保衡傾宮
中珍玩為資送每物至百二十輿之多軍逐其帥民
逐其主而不問龐勳造逆李國昌等討平之功為最
烈反為牛頭所誣十四年間敗壞唐室無寸善焉
咸通錢舊譜曰咸通十一年桂陽監鑄咸通元寶錢
旋敕停廢



附史思明

史思明者本名宰干營州雜胡與安祿山同里閏先後一日生及長相親愛以驍勇聞同為節度使張守珪部將元宗賜名思明安祿山既為子慶緒所殺慶緒復被思明所逼奉璽綬讓思明思明陽約為兄弟請插血盟慶緒既來乃縊殺之乾元二年正月思明遂反自稱大燕皇帝據范陽改元得壹已而惡得壹非長久之兆復改順天以一當開元錢百上元二年又改應天思明猜忌好殺為子朝義部將駱悅等縊

殺之旋為唐兵所滅按野客叢書載元英文昌錄曰後唐同光三年洛京馬步使朱守殷於積善坊役所得古錢四百五十六文得壹元寶四百四十文順天元寶沈存中筆談曰熙甯中發地得大錢三十餘千皆曰得壹順天攷唐書史思明據東都鑄得壹元寶徑一寸四分以一當百字文方勁如顏體輪郭甚古今此二錢往往有之又按舊譜曰得壹元寶錢徑一寸三分重十三銖順天元寶錢徑一寸五分重十五銖




錢志新編卷八

雲間張崇懿麗瀛校輯



後梁


太祖朱溫者更名是碭山縣人少無賴性復凶悍入黃
 巢黨為盜後見巢勢日蹙乃降唐昭宗以為河中招
 討使賜名全忠已拜節鎮封梁王遂篡唐即位六年
 壽六十一改元凡二開平四乾化二起丁卯終壬申
 恣意聲色嘗避暑張全義家亂其婦女殆遍復縱淫
 子婦八人入侍而假子友文婦尤美艷最寵至欲以

友文為嗣主次子友珪懼以兵夜入溫驚起怒曰恨不早殺此賊友珪高聲罵曰老賊萬段刺之洞胸而死以敗瓊裏屍埋於寢殿遂自立友貞起兵討之珪乃自殺友貞即位大梁凡十年壽三十六改元凡二貞明六龍德四晉王李存勗兵至汴友貞自焚死皆追廢為庶人梁亡共二主計十七年起丁卯終壬午開平錢按張敏庵泉寶錄載有開平通寶錢



鳳曆錢按友珪既自立改元鳳曆凡僭十月敗死又攷大理段智運亦曾號鳳曆余近得鳳曆通寶錢一枚諸譜所未載然莫可證據姑附此





後唐


莊宗李成勗者西突厥沙陀人本姓朱耶至唐懿宗時
朱耶赤心以功拜振武節度使賜姓李名國昌子克
用復破黃巢復長安功居第一封晉王克用一目微
眇以其驍勇世謂之獨眼龍少時從父獻捷至京昭
宗撫其背曰是兒奇表後當富貴及唐亡王建遺書
克用請各帝一方乃答書云誓於此身靡敢失節及
卒子存勗能繼父志滅燕滅梁即帝位國號曰唐改
元同光凡三年壽三十五起癸未終乙酉惜荒惑於


色淫於遊獵尤酷好伶人趙在禮反幸關東招撫旋
 師至洛城優人郭從謙作亂為流矢所中殂五方人
 善友聚樂器而焚之衆遂推嗣源為帝是為明宗傳
 閔帝廢帝凡四主計一十三年起癸未終乙未石敬
 瑭反廢帝自焚死唐亡

明宗李嗣源者本夷人無姓氏名邈佶烈太祖克用愛
 其勇乃養為子賜名嗣源後更名亶軍中號曰李橫
 衝莊宗既殂遂即帝位凡八年改元二天成四長興
 三壽六十七起丙戌終癸巳按史稱帝自以為胡人

不敢當中國主每夜焚香祝天願早生聖人為生民
 主故兵革罕用歲屢豐熟號為賢君焉

天成錢宋白續通典曰天成元年十二月敕中外所
 使銅錢內鑄鐵錢即宜毀棄二年八月禁銷銅錢四
 年禁鑄鐵錢洪志曰天成錢徑九分重三銖六參文
 曰天成元寶而五代史唐紀缺而不載







後晉


高祖石敬瑭者出於西夷自臬振雞歸唐生敬瑭始以石為姓官河東節度使為明帝愛婿篡唐即帝位改國號曰晉建元天福凡七年壽五十一起丙申終壬寅按帝以契丹兵入洛陽移唐祚遂尊契丹主為父皇帝獻幽薊等一十六州致書自稱兒皇帝如家人禮猶數被責讓憂憤而殂馮道背顧命立兄之子齊王重貴為主是為出帝昏庸無道敗壞人倫契丹入寇擄之比去封為負義侯徙居黃龍府晉亡凡二主

計一十一年起丙申終丙午

天福錢白續通典曰天福三年戊戌十一月詔三京諸道無問公私積有銅者並許各自鑄錢以天福元寶為文鑄錢樣頒下諸道每一文重二銖四參又鄭向曰晉高祖天福三年十一月詔建錢鑪於樂州洪氏泉志曰此錢徑七分銅質薄小文字昏昧不精重二銖四參董道曰天福石晉年號當時鑄有天福鎮寶錢文見晉氏舊史洪志曰此錢面文湮沒流傳於今甚多李孝美曰天福鎮寶錢徑八分重四銖六參

背文有一黎字在穿上






後漢

高祖劉暠者初名智遠本西突厥別種沙陀人後徙太原為李氏贅婿仕晉拜河東節度使擁精銳之兵居形勝之地時出帝北去中原無主諸將勸進於是先正號位然後出師議括民財以賞將士聽李后諫悉出宮中所有以勞之中外悅服旋改國號為漢建元乾祐凡二年而殂壽五十四傳隱帝時大臣多武夫將相如水火帝又好遊嬉厭為史宏肇等所制遂殺之遣使往鄴殺郭威威因舉兵反帝兵敗遁入民家

為亂兵所弑踐位亦二年年二十凡二主共四年起
丁未終庚戌

漢元錢通典曰乾祐元年四月膳部郎中羅周喬請
在京置錢監俾銅盡為錢以濟軍用洪志曰徑一寸
重三銖六參其文曰漢元通寶字文明坦制作頗精
蓋懲天福之弊則漢代所鑄明矣








後周



太祖郭威者邢州龍岡人仕漢官太尉契丹入寇李太
后命威擊之至澶州將士亂推威為主擁之南行以
太后命令威監國尋即帝位國號曰周改元廣順凡
三年壽五十三起辛亥終癸丑按帝少貧賤黥其項
為雀形世謂之郭雀兒然即位後頗多善政罷貢獻
恤生民重儒學如曲阜謁孔子祠既又拜其墓焉傳
世宗恭帝禪位於宋太祖凡三主計九年起辛亥終
己未



世宗名榮本姓柴氏太祖無子以柴后兄守禮之子為嗣在位六年改元顯德壽三十九按帝省刑薄賦重農務本用文任武各盡其能修通禮正刑統皆可為後世法漢唐以來稱為有道賢君伐唐得江北四州江淮始通舟楫伐契丹關南悉平淮南飢命以米貸之或曰民貧恐不能償帝子民吾子也安有子倒懸而父不為之解哉又嘗好夜讀書偶於文書囊中得長三寸餘木題曰檢點作天子時張永德為殿前都檢點乃命趙匡胤代之至恭帝時其言果驗

周元錢按五代史周紀曰世宗即位之明年廢天下佛寺三千三百餘所時國中乏錢詔悉毀銅佛以鑄錢又蘇耆開譚錄曰世宗於後殿設爐數十親觀鼓鑄李孝美曰此錢徑一寸重五銖文曰周通元寶製特精工與唐之開元錢同其背文亦有指文及星文者此錢今皆稱為周元錢亦有光幕又一品幕作龍鳳形者可以塞地下泉穴









1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

